

Kelioks i švēisa

Ātmēno liuob ēti par
tunkiausē mēška
i Lauka Suodas bažnīcē,
pri pērmuos Kuomunējēs.
Kas par drunsoms tumet
galiejē būtē, bat kuo
tēn bijuotē, je savē dalīkā
lidiejē: kelēs žingsnios ož
truobuos paējus – Švēnta
Jorgē koplitēlē, biški tuoliau –
Rušiniēnēs, už anuos Bēdvas
givenimā; paskiau jau tēnsies
mēšks, bat anami, tik praējus
didžiojē brāstva – pruosenelēs
apsēžadieta Šv. Juona koplitēli –
diekavuojēms ož sūnaus Vincoka
svekāta... Toliau vielēk givenimā:
Kauša, katras tami patiamē keliē
prētrūkēs jirgū pasēmērē, Kāzragē...
Vo ož anuo jau linksmiau –
prasēded pats Lauka Suodas miestielis.
Dā tik lēikt praētē Petkieniēs, Vēlka budinkus,
Ancioka i Genēlis pašiūrēlē,
pri gaspadēnis Merkelieniēs
nusēmuovos aulinokus pelkie
nusēplautē kuojēs, isēspērtē i batokos
i straine ētē i bažnitēlē, kor prasēdiejē
omžēna budīnē ož sāva
givēnēma švēisa.

2013–2014 m.